

# SAOPŠTENJE ZA JAVNOST Hidroelektrane ponovo prijete rijeci Ljutoj

11 May 2017

Hidroelektrana Dindo, zajedno sa još sedam hidroelektrana, vraćaju se ponovo kao zombi projekat da unište rijeku Ljutu. Na održanoj javnoj raspravi u Konjicu o Studiji utjecaja na okoliš se čuo ujedinstven glas koji je protiv studije i čitavog projekta.

Predstavnici udruženja Zeleni Neretva iz Konjica, Terra Dinarica i Eko akcija iz Sarajeva i Centra za životnu sredinu iz Banja Luke su bili prisutni na javnoj raspravi i argumentovano branili stanovite da rijeka Ljuta mora ostati netaknuta divlja rijeka.

Amir Varišević, Zeleni Neretva, Konjic: "Porazno je da se svakih par godina moramo ispočetka boriti protiv ovakvih suludih projekata. Ljuta treba da bude očuvana i da se koristi u svrhe zaštite prirode i održivog turizma. Na području općine Konjic su planirane 44 hidroelektrane. Općina Konjic temelji svoj strateški razvoj na turizmu, što je u suprotnosti sa ovakvim hidroenergetskim planovima."

Nataša Crnković, Centar za životnu sredinu, Banja Luka: "Od 244 rijeke u Bosni i Hercegovini na skoro svim su planirane hidroelektrane. Obzirom da su one privatni interes u koji ulažemo javni novac, one predstavljaju pljačku naroda, na uništene prirode. Ne očekujemo da se političari opamete. Branimo rijeku po rijeku sve dok god ovo ludilo ne prestane". Anes Podić, Eko akcija, Sarajevo: "Investitor iz Slovenije na pitanje koliko je zaštićenog područja u Sloveniji nije imao odgovor. U Sloveniji je zaštićeno 54% teritorije, a u Bosni i Hercegovini oko 2%. Zbog svojih iznimnih prirodnih vrijednosti, Prostorni plan iz 1981. godine, a koji je još uvijek na snazi, predvidio je ovo područje kao dio nacionalnog parka Igman, Bjelašnica, Treskavica i kanjon Rakitnice (Visočica). Uspostava nacionalnog parka bi stvorila mogućnost za otvaranje stotina radnih mjesta u seoskim područjima općine Konjic, iz kojih ljudi konstantno odlaze."

Džana Bordanija, Terra Dinarica, Sarajevo: "Priroda naše države je jedinstvena, a kanjoni i klisure pripadaju specifičnim pejzažima Bosne i Hercegovine. Oni predstavljaju razvojne centre flore, faune i vegetacije i refugijume biodiverziteta. Imamo ne samo potencijale, nego i divne primjere gdje očuvana priroda privlači turiste i potiče razvoj lokalnih zajednica. U studiji je primjetan nedostatak podataka o flori i fauni, što ukazuje na to da nisu izvršena literarna niti terenska istraživanja. Gradnjom hidroelektrana nepovratno se uništavaju ekosistemi i narušavaju kompleksni odnosi između vrsta."

Javnost ima mogućnost da komentariše Studiju utjecaja na okoliš još 15 dana, te pozivamo sve da pošalju svoje komentare. Studija se nalazi na stranici Federalnog ministarstva okoliša i turizma, na sljedećem linku: <http://www.fmoit.gov.ba/ba/clanak/1501/>

## Kontakt osobe:

Amir Varišević, Zeleni Neretve, Konjic - [amir@zeleni-neretva.ba](mailto:amir@zeleni-neretva.ba) , 061 627 549061 627 549

Nataša Crnković, Centar za životnu sredinu, Banja Luka - [natasa.crnkovic@czzs.org](mailto:natasa.crnkovic@czzs.org) , 065 604 438065 604 438

Anes Podić, Eko akcija, Sarajevo - [anes@ekoakcija.org](mailto:anes@ekoakcija.org) , 062 293 763062 293 763

Džana Bordanija, Terra Dinarica, Sarajevo - [dzana@terradinarica.com](mailto:dzana@terradinarica.com) , 063 272 954063 272 954  
CallSend SMS  
Call from mobile  
Add to Skype  
You'll need Skype Credit  
Free via Skype